

Eit aktivt bibliotekår inne og ute



Debatt om klimasmart landbruk med dette solide panelet: Anders Felde, leiar i Sogn og Fjordane Bondelag, miljøkonsulent Janne Bareksten i NoMil og Kjell Paulen, rådsmedlem i TINE SA.

Biblioteksåret 2019 har i Gloppen vore rikt og mangfaldig. Klima og natur var på dagsorden med arrangement og utstillingar vår og haust. Ulike prosjektmidlar gjorde mange tiltak mogleg, som Newtonverkstad med koding, arrangementsserien «Mauren i mold», auka bibliotekstilbod til småskuletrinnet, møte med fleire forfattarar og illustratørar bl.a Kjersti Wøien Håland (Lovleg), Tormod Haugland, Sigbjørn Mostue, Lisbeth Dreyer, Dag Jørund Lønning og vår lokale forfattar Kjersti Kollbotn.

Breim barnehage var med på tur til Draumekvila, til formidlingsopplegg rundt lesing og natur. Biblioteket var også på tur i Trivselsskogen med høgtlesingsprogrammet «Lesetur» for vaksne i friluft.



Biblioteket sin «Lesetur» til Draumekvila - eit høgtlesingsprogram for vaksne i friluft.

Tre bygdekinnelag fekk besøk av biblioteket med boktips og høgtlesing. Biblioteket si rolle som møtestad vart prøvd ut i nye former, som «Ettersnakk» i samband med Sogelaget sin arrangementsserie Verda og vi. Nokre ting har blitt tradisjon: Også sommaren 2019 var prega av ivrige deltakarar i lesekampanjen SommarLes.

Biblioteket fekk nye nettsider i 2019, gloppenbibliotek.no, utvikla av Fylkesbiblioteket i Sogn og Fjordane. Fagfolka der er til god støtte for folkebiblioteka i utviklingsarbeidet. Gloppen var heldige og fekk vere pilot for nettsidearbeidet.



Fint opplegg frå barneskulen der 6. klassingane las høgt for 1. klassingane

Den daglege dont i biblioteka er alltid viktigast. Å vere ein uforpliktande og inspirerande stad med stimulans til lesing og kunnskap, eit fellesrom med generasjonar på kryss og tvers. Barnehageungar, elevar frå barneskulane, ungdomsskulane og Firda vgs, vaksne, studerande i ulike aldrar, pensjonistar, besøkande i kommunen.

I eit livleg mylder, eller i ein krok for seg sjølv.

Utlåns- og besøkstal

Statistikken viser høgste utlån siste 10 år med 49.725, noko som tilsvarer ei auke på 2,1 % sidan 2018 og 8,5 lån pr innbyggjar. Biblioteka hadde til saman 55.666 besøkande i 2019. Biblioteket i Hyen har pause til ny skule er klar. Skulen gjer seg nytte av biblioteksamlinga til barn og unge. Tal for denne skulebruken er ikkje med her.

2019 (Sandane, Byrkjelo): **49.725** ★

2018 (Sandane, Byrkjelo): 48.711

2017 (Sandane, Byrkjelo og første halvår Hyen): 44.888

2016 (Sandane, Byrkjelo og Hyen): 47.447

Mest utlånte titlar for barn

1. Reisen til Jotundalen / Malin Falch (Nordlys)
2. Steinovkterens forbannelse / Kazu Kibuishi (Amuletten)
3. Krabbekrise / Anne R. Folkestad (Leseland)

4. Den krokete mannen / Punter Russell (Leseland)
5. Visste du at-? Katt / Anna Fiske (Leseland)

Mest utlånte titlar for vaksne

1. Søsterklokkene / Lars Mytting
2. Månesøsteren / Lucinda Riley
3. Lothepus / Finn Tokvam
4. Jordmor på jorda / Edvard Hoem
5. Sommerlys, og så kommer natten / Jón Kalman Stefánsson